



Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. IV. De obligatione Confessarij errores suos in confessionibus audiendis
commissos corrigendi.

urn:nbn:de:hbz:466:1-37144

ART. IV. De Obligatione Confessarii errores commissos corrigendi.

101

rat, vel ad profectum spiritualem, cum pecuniariter egere censebuntur.

ARTICULUS IV.

*De obligatione Confessarii errores suos
in Confessionibus audiendis commis-
sos corrigendi.*

174. Ad recte atque utiliter Confessarii munus obeundum, maximo adjumento esse potest datum a S. Francisco Xavero, & lib. 6. vitæ cap. 17. infine descriptum monitum, ut Confessarii nimis post auditas a se confessiones sumpto spatio in easdem inquirant, & intentius videant, an & quid in delictis aliorum expiandi ipsi deliquerint, ut quæ in alienis peccârunt, confessionibus postea expient in suis; ea que delicta non tantum in posterum vitare; sed etiam, quod addendum est, commissos errores, si adhuc possint & debeant in iisdem corrigi, magnâ studeant corriger diligentiâ.

Possunt autem errores intervenire varii, qui omnes ad tres classes communiter a DD. reduci solent. Nam 1. aliqui sunt, per quos Sacramentum redditur irritum; cum Confessarius vel omnino non absolvit, vel invalidè. 2. Aliqui sunt, per quos damnum infertur tertio, vel pœnitenti; quando Confessarius hunc ad reparationem non obligat, cum deberet; vel obligat, cum non deberet. 3. Aliquis sunt, per quos integritas tantum confessionis lœditur; cum Confessarius de numero tantum, aut specie peccatorum non inquirit, vel pœnitentiam seu satisfactionem non prescribit, aut deberet. Hujusmodi porrò errorem committere potest Confessarius, vel cum peccato mortali & ex malitia, vel sine peccato mortali

ex sola oblivione, ignorantiâ moraliter inculpabili. De quibus jam ordine

. §. I.

De errore invalidante.

175. Itaque I. Si Confessarius a censura tantum non absolvit pœnitentem, tunc quando errorem advertit, & si quidem fuit reservata, etiam facultatem obtinuit, debet postea absolvere, ne diutius privatus sit suffragis Ecclesiae. Potest autem etiam absentem, & jam iterum lapsum in peccatum aliquod mortale absolvere ab lique ulla alia monitione; quia a Censuris potest aliquis etiam absens, in mortali constitutus, ignorans, in modo & invitus absolvit. Bonac. tom. 1. Diff. 5. q. 7. p. 6. n. 1. Coninch. de Sacram. Diff. 8. n. 14. 1. & alii committunt.

Aliud est de solutione a peccatis. De eo ergo, qui aliquem vel omnino non absolvit a peccatis, vel tantum invalidè, statuant DD. communiter sequentia. I. Confessarius si non multo post advertat, cum pœnitens adhuc est, vel non multo post iterum fit moraliter praesens v.g. in accessu ad Sacram Communionem, vel alibi, debet illum tunc absolvere; quia debet sacramentale Judicium, quod cæptum est, perficere; & pœnitenti jus suum per confessionem acquisitum ad solutionem & gratiam sanctificantem tribuere.

II. Idem est, si Confessarius errorem advertat, vel pœnitentem habeat sibi iterum moraliter praesentem post aliquot horas aut dies; modò non post tot, ut confessio & absolutio non censemant amplius facere unum totum morale. Neque necesse est pœnitentem præmonere de errore;

rore; quia sicut in primo, ita & in posteriore casu censetur voluntatem percipiendi absolutionem tamdiu retinere. Potest ergo absolvit etiam inadvertenter, si nimis tacitè tantum, oretenus tamen & non sola mente, proferant sine omni externo ritu, hæc verba: *Absolvo te à peccatis tuis.*

III. Quodsi rationabiliter timeri potest, interea illum commisso novum peccatum mortale; tunc vel præmonendum est de errore, quia antequam etiam istud legitimè confiteatur, non potest à prioribus absolvit; cum unum mortale sine altero remitti non possit: vel si iterum ad confessionem apud eundem faciendam accedit, interrogandus est, an non etiam de omnibus aliis peccatis jam antea semel confessis doleat, & se accuseret: sicut multi solent piè & fructuosè facere. Si enim tunc annuat, hoc ipso jam priorum quoque peccatorum confessionem renovat, & repetit, potestque tam ab illis, quam ab aliis interea commissis, & recens confessis legitimè absolvit.

Alteruter iste modus etiam adhibendus est, si Confessarius aliquem absolvit, antequam habuit sufficientem, Jurisdictionem vel in pœnitentem, vel ob aliquam reservationem in ejus peccata. Ratio, quia cum tunc confessio fuerit facta Judicii non suo, hoc ipso non erat judicialis & strictè sacramentalis, ergo debet de novo fieri alterutro modo: sed posterior est commodissimus.

i76. Quodsi vero IV. pœnitens ad eundem Confessarium non redeat, nec reduci queat; monitio autem etiam fieri non possit sine gravi scando & offensione pœnitente: si, vel sine gravi confusione

aut damno Confessarii in honore, famâ (uti communiter fieri nequit, si tempus paulò longius intercessit) tunc Confessarius non amplius tenetur pœnitentem monere, neque etiam potest monitione omisso eum absolvere, si ob longioris temporis intervallum absolutio cum præterita confessione non potest facere moraliter unum totum, vel si prudenter timeri possit, eum interea iterum graviter pœnisse, ut paulò ante dictum. In hoc ergo casu, nisi pœnitens sit moribundus, Confessarius rem totam relinquat & commendet DEO; de suo autem peccato, si quod hic fortè commisit, doleat & proximè confiteatur. Fraudavit quidem Confessarius pœnitentem gratiâ Sacramenti; dedit quoque causam, ut pœnitens de illis peccatis deinceps non amplius se accuseret, adeoque contralem DEI, quamvis ex errore inculpabili, non integrè confiteatur. Sed damnum gratiæ, quia Confessarius commodè non potest, ut ponitur; ideo etiam non tenetur resarcire, præterquam quod neque pœnitens videatur admodum hoc exigere, cum ipse facilè possit id aliunde supplere. Ab obligatione servandi integritatem materialē confessionis sicut pœnitentem; ita & Confessarium ab obligatione eandem procurandi excusare potest scandalum, offensa, damnum &c. Quæ omnia confirmantur ex eo, quod etiam in rebus temporalibus nemo teneatur damnum, culpabiliter quoque illatum, compensare, si non possit sine sui delicti manifestatione & infamacione; vel si Iesus non admodum exigat. Dixi autem huc signatè: *nisi pœnitens sit moribundus.*

i77. Nam V. Qui moribundum, au-

ditiâ

ditâ ejus confessione, non absolvit, vel non validè (sive jam culpabiliter, sive inculpabiliter) debet illum adhuc absolvere: & si à priore confessione tantum temporis effluxit, ut absolutio non amplius possit cum illa facere unum aliquod torum morale; vel si dubium est, an non æger interea iterum peccaverit graviter, tunc Confessarius etiam cum aliquo gravi suo incommodo, v. g. confusione, dedecore &c. tenetur illum præmonere; quia ita exigit extrema necessitas, & periculum salutis æternæ, in quo tunc æger versatur, & cui Confessarius debet damnum suæ v. g. famæ postponere, maximè si culpabiliter egit. Nisi tamen æger fuisset antea confessus tantum mea venialia; vel aliquod quidem mortale (sive jam certum, sive tantum dubium) sed jam suscepisset postea adhuc aliud Sacramentum v. g. Eucharistie, vel Extremæ Unctionis. Nam in his circumstantiis consultum quidem est, adhuc præmonere pœnitentem & absolvere; nulla tamen obligatio saltem sub mortali; quia in iis jam desinit necessitas, cum per alind eisdemodi Sacramentum ex attrito, qualis etiam ad absolutionem validam esse debebat, factus sit contritus. Vide de his à n. 175. dictis Bonac. & Coninc. ll. cc. Palao tr. 23. Disp. un. p. 18. §. 2. n. 3. & 4. Lugo de pœnit. Disp. 22. à n. 51. Tamb. de Confess. lib. 3. cap. 8. §. 4. n. 3. Dicast. de pœnit. Disp. 10. à n. 501. multa hic tricantem.

§. II.

De errore damnificante.

178. II. Confessarius, qui dixit pœ. R. P. Sto. Trib. Pœnit. Lib. II.

nitenti, illum non esse obligatum v. g. ad restitutionem, cum esset; vel esse obligatum, cum non esset; si id facit cum peccato mortali, tenetur ex Justitia rebus adhuc integris monere pœnitentem. Si unque dictū revocare; vel certè ipse debet ex Justitia compensare damnum inde tertio, vel pœnitenti illatum. Ratio est, quia suo dicto fuit moralis & positiva causa damni; sicut aliis, qui jubet aut consilii alicui, ut faciat, quod ipsi vel alterius est damnosum. Quodsi tale quid dixit bona fide & absque mortali, tunc si comodè adhuc potest, teneatur etiam ex Justitia revocare suum dictum; quia quilibet, si advertit ex sua aliquā actione oriatur, alteri aliquod damnum, & comodè potest impedire, obligatus est ex Justitia, ut impedit; & si non impedit, hoc ipso damnificatio, et si antè non fuerit prævisa nec intenta, incipit tamen ex tunc esse voluntaria, imputaturque illi in peccatum Injustitiae, Lugo cit. Diff. 22. à n. 60. atque ita in praxi esse sequendum & omnino consulendum, fatetur etiam Dicast. cit. Diff. 10. n. 519. quamvis ipse ibid. putet, probabiliter hīc peccati tantum contra charitatem, & non contra Justitiam; sed sufficienter id non probat.

At vero si Confessarius se habeat tantum negativè, non dirigendo pœnitentem, qui purat, se non esse obligatum, cum sit, vel le esse obligatum, cum non sit; tunc videndum est, an pœnitens ab illa Confessarii omissione & silentio moveatur, ad aliquid in suum vel alterius damnum agendum, vel non moveatur. Si non moveatur, Confessarius ad nihil aliud tenetur, quam ut de peccato, si

O

quod

quod h̄c fortè commisit, doleat & con-
fiteatur. Si autem p̄enitens inde movea-
tur, tunc Confessarius tenetur de errore
sua omissionis monere p̄enitentem, sed
tantum, si commode potest; veletiam
cum aliquo suo incommodo, si omis-
sio illa fuit ip̄i mortaliter culpabilis.

179. Et verò quod Confessarius ne-
gativè se habens teneatur ex charitate
monere p̄enitentem, patet, quia hæc ob-
ligat non tantum, ut nemo per suam actio-
nem; sed etiam ut nemo per suam omis-
sionem der alteri scandalum, seu occa-
sionem faciendi id, quod cedit in fa-
cientis vel alterius damnum, & est, quam-
vis materialiter tantum, illicitum; ut si ex
mea omissione audiendi missam alii pu-
tent, non esse diem festum, & etiam non
audiant.

An autem Confessarius etiam ex Justi-
tia teneatur h̄c monere p̄enitentem; &
nisi moneat, obligetur ad compensatio-
nem damni illati, revocat Dicastillo *cit.*
Diff. 10. n. 519. in dubium, quia omis-
sio Confessarii, si moveat p̄enitentem ad
aliquid in suum vel alterius damnum fa-
ciendum, moraliter æquivalet, & idem
est, ac si Confessarius dicat: *non teneris;* vel *teneris;* atqui Confessa-
rius si contra rei veritatem (sive scien-
ter, sive ex errore culpabili vel inculpa-
bili) dicat p̄enitenti: *non teneris;* vel *te-
neris restituere,* tenetur ex Justitia vel mo-
nere p̄enitentem, vel ipse compensare
damnum, quia est moralis & positiva illius
causa: ergo. Sed facile negatur major.
Nam et si Caius non solvens debita suis
creditoribus moveat per suam hanc omis-
sionem Titum, ut etiam iste sua non sol-
vat suis; nullo modo tamen omissione

Cajus æquivalet moraliter & idem est, si diceret Titio: *non teneris solvere, non solvas &c.* neque ex Justitia tenetur monere Titum, ut solvat; aut ex Justitia compensare damnum per omissam à Ti-
tio solutionem ejus creditoribus illatum. Et verò quandonam silentium & omis-
sio Confessarii possit h̄c haberipro con-
fessu, & approbatione, facetur ipse Di-
cast, non posse facile discerni. Unde injecta illius dubitatio ex hoc quoque
capite parum, vel nihil facit ad usum &
praxin; sicut nec exemplum, quod uni-
cum sibi occurrisse scribit, nimur si p̄enitens dicat Confessario: *Ego talem
contractum invi;* sed quia R. V. bene
scit esse licitum; de eo non sum sollicitus.
Quamvis enim demus, quod si Confessa-
rius sine justa causa h̄c taceat, ipsius tac-
turnitas sit moraliter idem ac positivus
consensus & approbatio; quia tamen p̄en-
itens non scit, an Confessarius habeat,
vel non habeat justam tacendi causam; an
non taceat tantum ex oblivione, metu, ve-
recundiâ &c. ideo etiam non potest per
illud Confessarii silentium ita moveri, si-
cuit per positivum ejus consensum & ap-
probationem; ergo nec oritur utrobique
par obligatio.

Debet quidem Confessarius p̄eniten-
tem docere, & monere ex suo officio;
sed respiciente & ordinato tantum ad bo-
num p̄enitentis, non item ad bonum
aliorum; sicut officium Judicis forensis
aut Gubernatoris, quod ita respicit &
ordinatum est ad bonum unius, ut tamen
etiam respicere debeat bonum aliorum
& communitatis, ergo licet Judex, &
Gubernator, si quid ex officio debitum
omittant, & propter ea aliquis damnificet
alium,

alium, agant contra Justitiam, & ex Justitia obligentur ad compensationem; Confessarius tamen non agit contra Justitiam, nec tenetur ipse quidquam restituere illis, qui ex eo solo damnū accipiunt, quod ipse penitentem non monuit, sicut ex officio suo debuit, de restitutione illis facienda. Lugo l.c. à n. 67.

Simile fere discrimen ostendit Lug. l.c. n. 70. inter Prælatum, Patremfamilias aut Dominum, & inter Confessarium. Nam illi respectu suorum subditorum, domesticorum, aut famulorum sunt caput aliquid politicum, cuius officium est, ita suos regere, ut aliis non sint damno; Confessarius autem respectu pœnitentis non est caput politicum, sed tantum Magister, Medicus, & Judex spiritualis, cuius officium respicit unicè tantum pœnitentis bonum; & quidem non tempora-le, sed tantum spirituale animæ. Unde etiam si pœnitens, cum nihil debeat, aliquid alteri restituat ideo solùm, quia Confessarius illum, sicut potuit & ex officio debuit, non monuit; tunc Confessarius ne illi quidem tenetur quidquam ex Justitia compensare; sed debet pœnitens sibi ipse imputare, quod silentium & omissionem Confessarii fuerit malè in suum damnum temporale interpretatus.

§. III.

De errore mutilante.

180. III. Si denique Confessarius errat solùm circa integritatem confessionis, tunc vel errat positivè, dicendo pœnitenti, eum non teneri speciem aut numerum horum vel illorum peccatorum mortalium hic & nunc confiteri, cum tamen

teneatur; vel errat tantum negativè omit-tendo, & de mortalibus, generatim tan-tum confessis, non interrogando speciem, aut numerum. Si Confessarius priori modo culpabiliter, vel inculpabiliter er-ravit, & postea, cùm errorem advertit, potest sine gravi suo incommodo monere pœnitentem, tunc tenetur eum monere; quia alioquin esset moralis & positiva causa, ut pœnitens contra legem Christi, quamvis inculpabiliter, non confitere-tur integrè. Lugo cit. Diff. 22. n. 74. quem sequitur Dicast. l.c. n. 526. Sed quia mer-itò censetur grave incommodum, ut aliquis seipsum coram alio confundat, ei-que cum suo rubore proprium suum errorem vel delictum manifestet, meritò etiam Suarez, Filliuc. Dian. & alii apud citt. dicunt, regulariter Confessarium non teneri monere pœnitentem.

Et quidem eum, qui inculpabiliter ita erravit, fatetur etiam Lugo l.c. raro te-neri. At verò illum, qui cum peccato mortali ita erravit, putat Lugo obligari non solo præcepto charitatis de vitando scandalo, sicut priorem; sed etiam ipso præcepto de integritate confessionis; ideo ait, eum ab obligatione pœnitentem mo-nendi non excusat, nisi ob tam grave damnum v.g. infamia, quantum si pœ-nitens metueret, non teneretur integrè confiteri. Sed hoc in materia Justitia facilè concedo, quia culpabiliter indu-cens aliquem ad alterius Jus lædendum, contrahit obligationem ex Justitia non tantum monendi de errore inductum; sed etiam id ipsum, quod inductus de-bet, in ejus defectu præstandi. Ille au-tem, qui culpabiliter aliquem induxit v.g. ad contrahendum Matrimonium cum

O 2

voto

voto simplici castitatis, ad ludendum contra Juramentum &c. dicendo id esse licitum, agit quidem contra præceptum Religionis, & vi illius tenetur monere inductum; sed inde nullo modo obligatur ad id ipsum, quod inductus debet, in ejus defectu præstandum: ergo multò facilius, & ex leviore causa potest quis excusari ab obligatione monendi induc-
tum ad agendum contra votum, juramen-
tum &c. quam sufficiat ad inductum
excusandum ab obligatione ipsius voti,
juramenti &c. Etiā ergo Confessarius plus obligatur, qui hīc culpabiliter quam qui inculpabiliter erravit, regulariter tam-
en uterque ratione confusionis, & pudori-
s subeundi in manifestatione sui er-
roris coram pœnitente est sufficienter ex-
cusatus.

Dico regulariter: quia si Confessarius de occasione proxima peccandi dixit (sive culpabiliter sive inculpabiliter) pœnitentem possè lícitè in ea manere, cùm non pos-
sit, tenetur postea de suo errore illum mo-
nere, & scandalum tollere; sicut lex chari-
tatis & regula Prudentiae dicit. Dispari-
tas est; quia in hoc casu Confessarius ex-
ponit pœnitentem periculo peccandi for-
maliter, in aliis autem, peccandi tantum
materialiter.

181. Quando Confessarius erravit me-
rē negativè, omittendo interrogare de
numero aut specie mortaliū, ostende-
re obligationem vitandi occasionem pro-
ximam &c. tunc postea, cùm advertit,
ad nihil aliud tenetur, quam ut de pec-
cato, quod forte hic commisit, doleat,
& confiteatur. Ratio, quia imprimis
Confessarius sic non concurrit ut caufa
ad defectum integritatis, vel ad pecca-

tum ex occasione proxima postea com-
missum; deinde ut Jūdex debet quidem
ex officio interrogare pœnitentem, eique
ostendere suas obligationes, sed tantum
in actu ipsius Judicij Sacramentalis, ergo
eo finito, cùm jam functus sit suo officio
sive benè, sive malè, nihil amplius potest,
aut debet circa illud agere; sicut nec alius
Jūdex.

An autem Confessarius in aliqua se-
quenti Confessione, cùm iterum sit Ju-
dex, possit, & debeat de omissis in priori
interrogare vel monere, ut affirmat
Lugo & Dicast. patet ex dicendis de
sigillo Confessionis, de quo paulo pōst
vide *infra* n. 195.

§. IV.

*De modo in prædictis erroribus cor-
rigendis servando.*

182. Quæres autem hīc denique, si
Confessarius juxta prædicta tenetur, aut
vult monere de commissio suo errore pœ-
nitentem, quomodo id possit facere? Resp. si extra Confessionem vult mon-
ere de errore circa aliquam obligationem
à peccatis confessis dependentem, v.g.
restituendi, vel circa speciem aut inme-
rium alicujus peccati; tunc debet à pœ-
nitente prius petere facultatem, cum il-
lo de confessione facta loquendi. Et si
pœnitens facultatem concedit, potest
Confessarius ei dicere: quidquid necel-
larium videbitur: si neget, debet Con-
fessarius tacere, quia alioqui frangeret
sigillum: Securus tamen est, quia pe-
tentio fecit, quod debuit & potuit. Co-
ninc. de Sacram. Disp. 8. n. 144. Tamb.
de Confess. I. 3. cap. 8. n. 9. uti & si pœ-
nitens

nitens monitus de errore non obtemperet, & v.g. non restituat, quod debet. Neque enim tunc Confessarius, et si positivè & mortaliter erraverit, tenetur ejus loco quidquam restituere; quia cum jam errorem detegat, & per suam Authoritatem obliget pœnitentem ad contrarium, sufficienter revocat & tollit omnia dicta & motiva, antè per errorem allata; quod quia Confiliarius malus non semper potest facere, ideo licet revocet suum confilium, sepe tamen adhuc tenetur ad compensandum damnum inde ortum. Lugo l.c. n. 64. contra Tamb. l.c. n. 4.

Quando Confessarius pœnitentem monere vult tantùm de errore circa absolutionem, vel invalidè vel omnino non datam, putat Gobat n. 7. n. 294. debere eum etiam tunc à pœnitente petere facultatem, loquendi cum illo de confessione facta. Sed non video rationem, cum utique non agat contra sigillum, qui pœnitenti vel alteri dicit, se per suam oblivionem, vel alium similem errorem ipsi nuper invalidè, vel omnino non dedisse absolutionem; quia tantùm suum & nullum pœnitentis defectum manifestat. Tan. tom. 4. Disp. 6. q. 9. n. 131. Aliud foret, si absolute diceret alicui alteri, se hunc vel illum pœnitentem non absolvisse. Id enim quia ingenerat opinionem de pœnitentis indispositione, & quidem ordinariè graviter culpabili, non potest sine sigilli fractione dici, nisi cum licentia pœnitentis. Tamb. de Conf. l. 5. cap. 3. n. 15. Palao de pœnit. Disp. un. p. 19. §. 3. n. 3. vide infrā n. 234.

**

ARTICULUS V.

De Obligatione Confessarii ad Sigillum.

Cùm Sigillum Confessionis Sacramentalis sit summè sanctum; neque tamen ab omnibus semper sanctissimè custodiatur, sive ob effrænem oris intemperantiam, sive ob ignorantiam, vel inadvertentiam, si non semper culpabilem, semper tamen summoperè damnabilem, visum est necessarium, de eo pluribus agere; ut Confessarii ubique tantò cautiùs, & Pœnitentes tanto sinceriùs in Confessione sibi agendum esse intelligent. Ad vitandum autem prolixitatistacitum dividam hunc Articulum in aliquot Sectiones, quarum 1. est de Sigillo secundum se. 2. de Obligatione Sigilli. 3. de Licentia revelandi Sigillum, 4. de Delectu Sententiarum citca Sigillum, unacum Resolutionibus variorum Catiuum. 5. de Usu notitiae ex confessione habitæ. 6. de obligatis ad Sigillum. 7. de interrogatis in materia Sigilli, & Respondendi modis. 8. de Pœna violentium Sigillum, & Processu contra illos. 9. denique de nova aliqua & singulari difficultate in processu contra Sigillifragum. Has ipsas Sectiones in suis subdividam Paragraphos.

SECTIO I.

Dicendum h̄c est. 1. Quid sit Sigillum, & Quotuplex? 2. Quo Jure introductum sit Sigillum Confessionis. 3. Cui Confessioni fit annexum?

O 3

§. I.